

ORIENTAL HERBAL NUTRIENT (OHN)

Gamit sa OHN:

- Makatabang sa pagsumpo sa sakit sa panit sa baboy ug uban pang klase sa kahayopan
- Makapatambok sa yuta ug sa tanom
- Makatabang sa pagsumpo sa insekto ug pagpatay sa sakit nga fungus ang hinungdan
- Anti-biotic para sa mga tanom ug kahayopan
- Mahimong gamitong herbal medicine og puno og sustansya
- Mahimong ipainom o isagol sa pagkaon sa piso, manok ug nangag sakit nga kahayopan

Materyales:

1. Luy-a, ahos.
2. kinugay (muscovado sugar)/ molasses (100g)
3. Manila paper (Walay printa o panapton nga limpyo).
4. 2 litro sukang tuba (walay tungog)
5. Banga. 6. Panghikot.



Pamaagi sa paghimo (OHN):

1. Tadtara ang tunga (1/2) sa kilo nga luy-a (1/4 of an inch) ug tunga (1/2) sa kilo nga ahos (slice into halves).
2. Isulod sa banga o limpyo nga sudlanan ang tinadtad nga luy-a ug ahos.
3. Sagulan sa 100g nga kinugay/molasses. Tabunan sa manila paper (2 layers) ug hiktan.
4. Butangan sa timailhan (label) ug ibutang sa mabugnaw ug ngitngit nga lugar sulod sa tulo (3) ka adlaw.
5. Sagulan sa 1.1 litros nga suka sa tuba human sa tulo (3) ka adlaw. Tabunan pag usab ug hiktan.



6. Butangan sa timailhan (label) ug ibutang sa mabugnaw ug ngitngit nga lugar sulod sa napulo (10) ka adlaw (first extraction).
7. Salaon ang likido/duga. Isulod sa limpyo nga container (ayaw isara pag ayo ang taklob), butangi sa timailhan (label) ug ibutang sa lugar nga dili maigo sa init sa adlaw (first extract para sa tawo ug mananap).
8. Sagulan sa 100g sili, 50g panyawan, madre de cacao, hagonoy, tanglad ug ipamalos sulod sa napulo (10) ka alaw (second extraction).
9. Human sa napulo (10) ka adlaw, sala-on ang duga/likido, isulod sa limpyo nga sudlanan (ayaw isara pag-ayo ang taklob), butangi sa timailhan (label) ug ibutang sa lugar nga dili maigo sa init sa adlaw (second extract para sa tanom).



Pamaagi sa paggamit sa OHN:

1. Isagol ang duha ka kutsara nga OHN sa kada usa ka litro nga tubig. I-spray sa dahon o ibisbis sa yuta. Sa buntag: 4:00-6:00, sa hapon kay 4:00 pataas.
2. Himuon kini matag pito(7) ka adlaw sa: humay, mais, prutas, saging ug utanon(gikan sa pag tanom hangtod sa pagbunga).

Matud pa sa kasinatian sa mga mag-uuma mas maayong himoon ang OHN nga bulag-bulag ang luy-a ug ahos.



Lactic Acid Bacteria Serum (LABS)

Gamit sa LABS:

1. Makatabang sa pagbalansi sa mga intestinal bacteria
2. Makapalikay sa pagdaghan sa phatogenic bacteria
3. Makapalig-on sa resistensya
4. Adunay Anti-Oxidant
5. Makapadaghan sa phyllosphere bacteria
6. Makatabang pagpadaghan sa maayong organism

Materyales:

- Bugas Panghikot 1 litro fresh milk
Banga Manila paper

Pamaagi sa paghimo sa LABS:

1. Hipuson ang unang kinilisan sa bugas kay aduna kini daghan gagmay'ng maayong organism.
2. Takluban (medyo luag para sa maayong pag-agi sa hangin). Isulod kini sa banga ibutang sa mabugnaw ug landong nga lugar sulod sa lima hangtod pito (5-7) ka adlaw.



3. Paglabay sa lima hangtod sa pito ka adlaw, mag-andam sa usa(1) ka litro nga gatas(litro pack if possible)
4. Kuhaon sa 100 ml ang gatas ug pulihan sa 100ml nga pinamalos nga tubig(kinilisan sa gugas)
5. Tabunan pag balik ang gatas, butangan sa timailhan (label), ibutang sa mangitngit ug mabugnaw nga lugar sulod sa lima ka adlaw.
6. Human sa lima ka adlaw, kuhaon ang dalag nga substance(liquid) ug ibilin ang puti nga solids.
7. Sagulan sa molasses o kinogay nga parehas sa kadaghanon sa liquid nga nakolekta, pwede na gamiton ang sinagol.



Pamaagi sa paggamit:

1. Tunawon ang duha (2) ka kutsara nga LABS sa usa (1) ka litro nga tubig
2. Gamiton kini sayo sa buntag bag-o ang pagtungo sa adlaw o sa hapon
3. I-spray sa dahon sa tanom kay makapakusog kini sa mga maayong gagmay nga organism nga naa niini.
4. I-spray sa yuta og compost para mapadaghan ang maayong gagmay'ng organism.

Mahimo pod isulod sa refrigerator o butangan og pareha ka daghanong kinugay o molasses ug tunawon sa 1/3 nga tubig. Kini nga processo makapadayon sa kinabuhi sa mga gagmay'ng organism.

